

**W**arumme wildi nu pine groet  
**G**hedogen ente bettere doet  
**H**ic sal o in pinen sere dwinghen  
**E**n vwe borste af doen wringhen  
**S**o wat so doe die quade tyrān  
**C**onste ghedregen allen fel man  
**S**one mickel mit een twijnt  
**A**lt wel scen der naer noch sijnt  
**D**oe hiet die kesser dat mē tvaert  
**D**ie vrowe leedde tpassien wart  
**A**lse d'ie kesserinne wech ghinc  
**D**ar soe die bettere doet ontfinc  
**D**oe sach soe te ceterinen wart  
**D**ie stont ende cone was onvvaert  
**E**nde seide edele maegt mi doet  
**V**we ghebete doet vwe oemoet  
**T**ore onsen heer ouer mi  
**D**at hi altoes mi moete sijn bi  
**E**n tāt d'hi mi hie in dit torment  
**V**ertroesten moete en sijn o'trent  
**S**o dat altoes thelooue mijn  
**A**n hem ghetrouwe moete sijn  
**D**oe seide die maegt ay edele vrowe  
**H**ebt vast gheloeue an onsen here  
**E**n roept ophem ghenade seir  
**H**i helpt altoes wel sinen vrient  
**D**ie hem hier ter trowen dieir  
**H**ic sal v ouer dit curte leuen  
**S**aen wel groete bliscap gheuen  
**E**nde onbe de anre ente pine  
**D**ar ons bede in staet te sine  
**S**ullen wi de crone van d'victorie  
**E**ntfaen mi saen in sine glorie  
**D**oe wart blide die kesserinne  
**E**n hare dochte in haren sinne  
**D**at soe mochte ghedoghen wel  
**S**o wat torment die ware fel  
**O**nbe de minne van onsen here  
**D**ien soe begheerde te sine sere  
**D**ie enapen ne doffens laten niet  
**S**ine daden dat hem die kesser hier  
**S**i bonden dier vrowen bede har hande  
**E**n wronghe hare af alte hande  
**B**ede hare borste sond sparen  
**D**ar was een groet torment te waren  
**D**ar naer die kesser sentene g'af  
**D**at men hare sloech choet af  
**A**lse die daer doe was ghedaen  
**D**oe vor soe strappans sond waen  
**G**hede bouen inden croene  
**E**n ontfinc der heiligher crone  
**G**helijc den andren maertelaren  
**D**ie vor hare ghepassyt waren  
**D**ar naer inde scrifture hie las  
**D**at die kesserinne doe was  
**A**ldus ghepijnt en doet darlach  
**O**pten drie en twintichsten dach  
**I**n nouembre dat es ghescreuen  
**A**lso wijt vinden die nu leuen  
**D**oe ghinc porfirius dar bi nacht